



2011KO OTSAILAREN 24KO
OHIKO OSOKO BILKURA

Lazkaoko Udaletxean, bi mila eta hamaikako otsailaren hogeita lauan, iluntzeko zazpitan, Lazkaoko Udal Osoa biltzen da, aurrez honetarako deialdia egin delarik, Patxi Albisu Estensoro Alkatearen lehendakaritzapean, ohiko batzaraldia egin asmoz.

Bertaratutako zinegotziak honako hauek dira: Felix Urkola Iriarte, Amagoia Naldaiz Mingo, M^a Lourdes Garmendia Guerra, Xabier Arrasate Aierbe, Inazio Barandiaran Aldasoro, Angel Hernández Marzal, Ricardo Crespo Rubio, Iñaki Saldaña Herrero eta Javier Moreno González de Lara.

Xanet Barreras Jauregi, Inazio Estensoro Eskisabel eta Juan Manuel Serna Portugal zinegotziak ez dira bertaratu.

Idazkari lanetan Iñaki Eskisabel Zurututzak dihardu.

I.- AURREKO AKTAK.-

Alkateak bilkurari hasiera eman ondoren, bertaratutakoen onespenera aurkezten dira 2010eko abenduaren 23an egindako ohiko bilkuraren akta eta 2011ko otsailaren 10ean egindako ez-ohiko bilkuraren akta, idatzita dauden moduan onartzen direlarik.

II.- ALKATETZAREN EBAZPENEN BERRI EMATEA.-

Ondoren Alkateak azken Osoko Bilkuratik gaur arte emandako Alkatetzako Ebazpenen berri ematen du, ebazpen hauen zenbakizko laburpen baten bidez.

Osoko Bilkura jakinaren gainean gelditzen da.

**III.- 1 H.J.A.KO -C.A.F.- URBANIZAZIO OBRAK, 1. FASEAREN BEHIN-BEHINEKO ESLEI-
PENAK.-**

"1 H.J.A.ko -C.A.F.- urbanizazio obrak, 1. fasea" proiektuko lanak burutzea prozedura ireki eta lehiaketa bidez esleitzeko izapidatutako kontratazio espedientea zein egoera prozedimentaletan dagoen ikusirik.

Horretarako irekitako baliozko epearen barruan honako proposamenak aurkeztu direla kontutan izanda:

- PROBISA, Vías y Obras, S.L.U.
- URBYCOLAN, S.L.
- CONS. ECHAIDE, S.A.
- CONS. MOYUA, S.L.
- CONS. HUGAR, S.L.
- CONS. TRATRI, S.L.
- BIXENTE OTEGI LIZASO, S.L.



- KAKUETA, S.L.
- CONS. ITURRIOZ, S.A.
- EXCAVACIONES Y TRANSPORTES ORSA, S.L.
- CONS. GALDIANO, S.A.
- CONS. AMENABAR, S.A.
- ALTUNA Y URIA, S.A.
- UTE DC - IC
- CAMPEZO CONSTRUCCIONES Y SERVICIOS
- BARDERA OBRAS CIVILES Y MARÍTIMAS, S.L.
- CONS. ERGA, S.L.
- OTEGI GAZTAÑAGA
- ANTZIBAR, S.A.
- ANTIA, S.L.
- PEDRO IPARRAGUIRRE, S.L.
- CONS. Y SERV. GORBELAN, S.A.
- SASOI ERAIKUNTZAK, S.L.
- EXCAVACIONES OLLOQUIEGUI, S.A.
- UTE DE DIEGO - ZORROZA

Ikusirik proposatzaileek aurkeztutako dokumentazioa aztertu eta gero, proposatzaile guztiak izan direla onartuak.

Ikusirik proposamen tekniko guztiak baloratuta eta eskeintza ekonomikoaren eta berme epearen balorazioa gehitu ondoren, puntu gehien jasotzen dituen eskeintza Altuna y Uria, S.A. enpresak aurkeztutakoa dela.

Ikusirik Altuna y Uria, S.A. enpresaren eskeintzan balore arraro edo desproporzionatuak kontsidera daitezkeenak ikusi direla eta entzutealdi tramitea eman ondoren, eta enpresak ekarritako dokumentazioa aztertu ondoren, zerbitzu teknikoek bere txostena egin dutela eta honen aurrean kontratazio mahaiak Altuna y Uria, S.A.ren eskeintza ez dela bideragarria ondorioztatu duela.

Baliozkotzat jotakoen artetik eta udalarentzat abantailatsuena izateagatik, Kontratazio Mahaiak kontratuaren esleipena 9 zbk.dun proposamenaren egilea den CONSTRUCCIONES ITURRIOZ, S.A.ren alde egitea proposatzen duela kontutan izanda.

Osoko Bilkurak, gaia aztertu ondoren, eta bertaratutako bere partaide guztien aldeko botuekin, honako akordioak hartzen ditu:

Lehena.- Lizitazio egintza baliozkoa aitortzea.

Bigarrena.- Altuna y Uria, S.A.ren eskeintzan balore arraro eta de desproporzionatuak kontsidera daitezkeenak dituela aitortzea.

Hirugarrena.- "1 H.J.A.ko -C.A.F.- urbanizazio obrak, 1. fasea" obraren lanak burutzeko lehiaketara aurkeztutako Udalarentzat proposamenik abantailatsuena, CONSTRUCCIONES ITURRIOZ, S.A.-enpresak aurkeztutakoa dela jotzea, BOSTEHUN ETA HIRUROGEITA ZAZPI MILA BOSTEHUN ETA HOGEITA LAU EURO ETA HOGEITA HEMERETZI ZENTIMO (567.524,39 €)-tan, B.E.Z. barne.ko eskeintza ekonomikoarekin.



Laugarrena.- CONSTRUCCIONES ITURRIOZ, S.A.-ri, errekerimendu hau jasotzen duenetik hasitako hamar laneguneko epean behin-betiko bermea jar dezan, hala nola, Baldintza Administratiboen Pleguko hamaseigarren klausulan adierazten den dokumentazioa, aipaturiko dokumentazioaren ekarpena egin ez bada, ekar dezan eskatzea.

IV.- GOIERRITARROK ERABAKITZEKO ESKUBIDEAREN ALDEKO MOZIOA.-

Mozioak honela dio:

"Erabakitze Eskubidearen Aldeko ondorengo mozio-testua aztertu eta onartzea eskatzen diogu Lazkaoko Udalari:

GOIERRITARROK ERABAKITZEKO ESKUBIDEAREN ALDE

Eguneroko itxituretatik irten eta langa pasatzeko erabaki sakona hartu dugu. Txindokiren magaleraino heldu gara elkarrekin; Larraitz topaleku izan dadin. Litekeena da honen alde egiten dugunok Euskal Herriarentzat proiektu, egitura nahiz etorkizun ezberdinak nahi izatea. Baina demokrazian oinarritutako printzipio baten aldeko jarrerak biltzen gaitu, giza eskubide zibil eta politiko guztiak errespetatuz, autodeterminazioaren edo erabakitze eskubidearen aldekoak, hain zuzen ere.

Mezu hau gizarteratzea, joera eta ideologia ezberdinekook elkarrekin egin beharreko bidea dela uste dugu, harik eta bide horrek erabakitze eskubidearen bidegurutzeraino eramaten gaituen arte, behintzat.

Horregatik guztiagatik, ondokoa aldarrikatu eta onartzen dugu:

- Euskal Herria nazio naturala da.
- Euskal Herriak bere etorkizuna erabakitze eskubidea du.
- Euskal herritarrok dugu autodeterminatzeko eskubidea.
- Eskubide demokratiko unibertsala denez, Euskal Herrian eta nazioartean eskubide horren eskaera egingo dugu.
- Herritarrei publikoki honen berri ematea.

Hala eskatu eta jakinarazten dugu, Lazkaon, 2011ko neguan."

Mozio hau bozketan jartzen da eta osoko bilkurak, aldeko 7 botu (EAJ, Alternatiba), aurkako 2 botu (PSE-EE) eta abstentzio batez (PP) mozioa onartu egiten du.

V.- GALDERA ETA ERREGUAK.-

Alkateak esaten du Gipuzkoako Foru Aldundiak auto elektrikoaren SARECAR proiektua Beasain, Ordizia eta Lazkaora zabaltzeko dirulaguntza onartu duela. Eta gehitzen du gai hau dagokion batzordean aztertuko dela datozen egunetan.

Jendartetik C.A.F.eko urbanizazioari buruzko xehetasunak eskatzen dira eta alkateak xehetasun horiek eman egiten ditu.

Jendartetik baita ere, kiroldagian egiten ari diren lanen inguruko xehetasunak eskatzen dira eta alkateak xehetasun horiek eman egiten ditu.

VI.- BILERAREN AMAIERA.-

Eta eztabaidatzeko beste gairik ez dagoenez, Alkateak bilera amaitutzat jotzen du, iluntzeko zazpiak eta hogeirenean nik, Idazkariak, guztiaren akta jaso eta ziurtatzen dudalarik.



[Handwritten signature in blue ink]

